



Communiqué

Qillaminuaq Tuhaqtauyukhaq

Hivulliqti Taptuna umiktitiyuq auyangit katimadjutikhangit

Charlottetown, PEImi (**Niqiliqivik 29, 2014**mi) – Hivulliqti Peter Taptuna, katimaqatigyaingit hivulliqtiit ukiuktaqtuniitun aviktuqhimagayuniklu nunaqyuangit, iniqtqpaktun katimaqatigyaingit ukiungani Katimayiingit Katimayualiqiyikkut (COF-mik taivaqiat naitumik) katimadjutiit talvani Charlottetownmi ublumi.

Hivulliqti Taptuna umikitiliqtuq havaknaqyuarutainik auyaqmik talvuuna katimaqatigiikkut kavamaliqinikkut katimadjutiingit tunngahuktitivakhunik Ukiuktaqtuni Maniliuliqinikkut Katimayiit, katimapkaiqatiginiaqtugutlu ilaqatigilugit Nunavut Ilauyuq talvani Maligaliuqyuarvingmi Kanatami Leona Aglukkaq Apitilirvik 1mi. Ilauniaqtuqlu talvani ukiuk tamaat katimavaktun Tunnganiitunik Hivulliqtiit Katimayuarut Yalunaimi havainirmi Apitilirvik 3mi.

“Ukuat katimadjutiit katimaqtiginiaqtaingitlu tunihimaaqniatun hanaqidjutikharnik taima Nunavut iltagiyauyaangat, havaqatigiiktiaqnikkutlu katimaqtiginiaqtaingit kanatami, aviktuqhimayunik ukiuktaqtuniituniklu havaqatigiyaiqit,” Taptuna uqallaktuq.

Hivulliqti Taptuna katimaqtigivaktaa Hivulliqtiqyuaq Minista Stephen Harper Iqaluktuutiarmi ilangani mikhaatigun katiayuarutitigun talvani Kanaitian Ukiuktaqtuniitun Ihivriuliqivingmi (CHARS-mik taivagiat naitumik). Katimaqtigivaktaalu talvuuna ilinniaqnikkut, igluniklu, havaguanganiklu piqaqtukharnik Nunavunmi.

Talvuuna katimaqatiginikkut COF-mik taivagiat naitumik, Hivulliqti Taptuna katimaqatigivaktaat katimaqatigyaingit avaliqangitunik inuuhiliqinikkut maniliqinikkutlu ayungnautigivaktaingit, hanaqidjutikhatigunlu talvuuna Nunavut qaritiginiaqtun Kanaitian katimayiinun. Ilauyutlu hivulliqtiqatigyaingit, Hivulliqti Taptuna ikayuutigyaingit Nunaqyuangit Nunaqaqqaqhimayunut Katimayiryuangularit tukhidjutikhantilu hivumuurutikhantilu katimayuaqatigyaingit nunaqaqqahimayunut, tuqtauayutlu

tamaqtauyutlu arnat. Ikikliyumiqtinikkutlu himiqtutihimaarniq ayungnautigivaktait iluani Kanatami katimaqatigivaktaingit katimatinunik talvani COF-kutni. Nunavut ikayukhimaarumainaqtun atuqtauyukhat ublumik himiqtutinikkut angirutikharnik, taima pidjutikharnik qaritiniaqtun nunaqyuaptingnun. Hivulliqti Taptuna uqaqhimaanginaqtun avaliqangitunik hanaqidjutikhangit piumayuqlu tigumidjutikhaqaqtukharnik havagvikyuakharnik Nunavunmi.

"Taima nukakhitqiupluni nunaqyuaq talvani Katimayualiqidjutainik, quviahuktugut ikayuutikharnik atuquyainiklu talvanga aviktuqhimayunik ukiuktaqtuniitunlu katimaqatigyaingit," Taptuna uqallaktuq. "Upiqhimayugut akhut hanaqiyaangat aulahimaaqnikkutlu inuuhiriliqinikkut maniliuliqinikkutlu piqaqtukhaq Nunavunmiunun talvuuna ilinniaqnikkut, iliqaqhimaqaqnikkutlu iniqtiginikkutlu hanaqidjutitigun, pivalliadjutikharnik nalvaqaqtauhimaqaqtunik allaniklu hanaqidjutikharnik ikayugiangit Nunavunmun iniqtigyaangat naunaitunik qullirutikharnik ihuatqiarutikharniklu Kanaitiangit."

Auyaq atulihaaqttiluni, Hivulliqti Taptuna katimaqatigivakta Kaalaatlimin Hivulliqti Aleqa Hammond talvani Nuuk-mi, katimaqtitivaktuq Uataani Hivulliqtiit Katimayuarutaat Iqalungni, ilauvaktun talvani Ontario-mi kavamangit katimayuarutmi taima havagvikyuakharnik ilautquyauhimavakta Hivulliqti Kathleen Wynne.

"Ukuat katimadjutikhat ihuagiyauvaktangit katimaqatigiyainik ilituqhayaangat Nunavunmiut ihumagiyangit hanaqidjutikhangit, tautktitiyaangatlu avaliqangitunik nunaqyuaptingni ayungnautigivaktaingit," Taptuna uqalllaqtuq.

###

Tuhaqtitiyut Hivayaqlugu:

Lauren Solski
Tuhaqtitiqyi
Kavamaliqiyikkut
867-975-6004
lsolski@gov.nu.ca